

Umzabalazo wabasebenzi mgodini

Abasebenzi mgodini bagqibe ngokuba bazikhulule kwiminyaka engaphezu kwekhulu yengcinezelo ezisagqubela phambili njengokuba imizimveliso igutyungelwe lizila lentsukumo yeninzi.

Umzabalazo wokulwa nemivuzo elambisayo kunye nengcinezelo yabasebenzi ezimayini ukhuthazwe luhlelo lwentshukumo yesizwe elwenziwe zintlangano zenkululeko ezilwela ukususwa korhulumente wocalucalulo emandleni.

Sukela ekuqaleni kuka Meyi, bangaphezu kuka 150000 abasebenzi abacele umgeni kwingcinezelo nempatho yabaqeshi ngokuthatha indlela ezohlukeneyo zentshukumo, ukuhlala phantsi emgodini, ukuhambisa kancinci umsebezi ngokuqanqalaza.

Abasebenzi base Eskom bazimanye namaqabane abo ezimayini ngokuthatha intshukumo yokukhalaza ngomhla we 29 Juni enyanzelise abaqeshi ukuba bame ngenqhubo yabo yokwakha ngokutsha imizimveliso into leyo ekhokelela ekulahlekeni kwemisebenzi emininzi.

Imbhali yedabi sukela ngo Meyi

23 Meyi

Amawaka alishumi abasebenzi mgodini kwimayini ze Gold Fields ne JCI benze umngcelele eRhawutini beyokunikezela ngoluhlu lwemibango yabo koondlunkulu balemizi mibini yemigodi. Usosiba Jikelele wamaKomanisi e Mzantsi Afrika, uqabane Chris Hani ubengomnye ababekhokele umngcelele. Kwintetho yakhe uvakalise inkxaso yamaKomanisi kwimibango yabasebenzi mgodini.

5 June

Bangange 20000 abasebenzi mgodini e Vaal Reefs Gold Mines abenza umngcelele wabo besiya kwii ofisi zabaqeshi besisa imibango yabo.

Kwimibango yabasebenzi kukho umbango ofuna kupheliswe umkhosi wabucala emayini, isivumelwano se NUM kuzo zonke imayini, kupheliswe umdilizo, kujikwe amahositela abe yimizi yokuhlala iintsapho, kupheliswe ucalucalulo, kuyekwe ukuhlaselwa umbutho kunye nokumiselwa koRhulumente Wethutyana.

13 June

Abasebenzi mgodini abangange 3 000 kwimayini i Hartbeesfontein benze

umngcelele e Rhawutini bezo kunikeza uluhlu lwemibango enxulumene neemeko zokusebenza. iHartebeesfontein yaziwa ngokungayifuni imigcimi yombutho.

Amalungu e NUM agqugquzela abasebenzi baze abaphathi bacothisise okanye bazikrazule ifomu zamalungu amatsha.

Eyona mibango yile:

- * isivumelwano esipheleleyo, se NUM kuzo zonke izigaba zomsebenzi;

- * inqhubo eyiyo nekhawulezayo yokusetyenzwa kwe stop order forms;

- * kupheliswe ngokukhawuleza ukufunyanwa nabasebenzi mgodini ngomantshingilane basemayini;

- * ukutya okulungileyo nokusemgagathweni ofanelekleyo.

17 June

Bangange 20 000 abasebenzi mgodini abaqeshwe yi Anglo American's Gold Mines e Carletonville bebenomngcelele nge 17 June.

I NUM igqugquzele lo mngcelele ngokudibanisa abasebenzi mgodini base Elandsrand nase Western Deep Levels kwingqubo ehlangeneyo lentshumo yeninzi yokutshutshisa abaqeshi bemayini bakhulule imayini kwaye bahlawule imivuzo ephilisayo.

Umngcelele usuke e Western Deep Levels No.9 shaft isiya e ofisi labaphathi bemayini e No.3 shaft ikhokelwe nguSekela Mongameli we NUM uqabane Elijah Barayi.

Izithunywa ze NUM zihlangene nabaphathi bemayini ebohlukeneyo bona bathembisa ngempendulo ekhawulezileyo kwimibango yabasebenzi mgodini.

19 June

Abasebenzi mgodini abangaphezu kwe 6000 base President Steyn benze umngcelele ngomhla bebanga umvuzo ophilisayo.

24 June

Imayini yegolide i Harmony e Orange Free State engcwele abasebenzi mgodini abayi 10 000 babanga imeko ezingcono zokusebenza kwaye kupheliswe nomdilizo ogqubekayo. Abasebenzi mgodini abayi 6000 bayadlilzwa.

25 June

Bangange 7500 abasebenzi mgodini e Anglo's Free State Saaiplaas kwimayini yegolide ababebambe umngcelele wokukhalaza kwihostela zabo besiya kuma ofisi abaphathi bemayini ukuyo kunikezela uxhwembu lemibango yabo.

Imibango yabasebenzi mgodini kukuphuculwa kweemeko

uMotlatsi udibana noMongameli wase Cuba uFidel Castro



Kutyelelo lamvanje e Cuba zizithunywa ze National Union of Mineworkers, u Fidel Castro uzamkele ngokwakhe kwelo lizwe. Izithunywa ze NUM beziyokuvuyisana nelanga labasebenzi i May Day kwidolophu enkulu yelo lizwe i Havana. Babangaphezulu kwisigidi abantu ababazimase lomcimbi.

U James Motlatsi esimbona ebemba isandla kwinkokheli yase Cuba. I NUM ithumele inani labasebenzi e Cuba ukuyo kuqeqeshelwa umsebenzi ofana nenjineli (engineering) kangangethuba leminyaka esixhenxe.



Umngcelele: abasebenzi mgodini ezitaladwini zase Rhawutini.

zokusebenza ngokubanzi kunye nemivuzo ephilisayo.

29 June

Abasebenzi mgodini e Freddie's Mine e OFS babambe umngcelele ngobuninzi babo bedlulisa uxhwembu lezikhalazo kubaphathi bemayini.

Abasebenzi babanga ukuphuculwa kwemivuzo kunye neemeko ezingcono zokusebenza. Abasebenzi mgodini abayi 7000 bathathe inxaxheba kulo mngcelele wokulwa nemivuzo elambisayo kunye neemeko ezimbi ekusetyenzwa phantsi kwazo.

29 June

Abasebenzi mgodini kwimayini ye Anglo's Free State Geduld baphume ngobuninzi babo bebonakalisa ukunganeliseki yimivuzo yentlupheko kunye neemeko ezimbi zokusebenza.

Umboniso wokukhalaza uphele usungu mngcelele laza uxwebhu lwezikhalazo ladluliselwa kubaqeshi bemayini. Bangange 9000 abasebenzi abathathe inxaxheba kolo qanqalazo.

29 June

Abasebenzi bakwa Eskom abayi 3000 benze umngcelele oya kwi ofisi ezinkulu zale nkampani e Megawatt Park e Sandtown,

beyokubanga ukumiswa kokwakhiwa ngokutsha esekudle amawakawaka emisebenzi.

Abasebenzi bebehleli ngaphakathi kwemida yenkampani ngelithuba izithunywa ezivela kwi National Union of Mineworkers (NUM), nakwi National Union of Metalworkers of SA (NUMSA) kunye ne Electricity Workers Union (EWU) bethethathethana nabaqeshi be Eskom.

Imibango ibiyi le:

- * iEskom mayiqumamise inqhubo egqubekayo yokwakha ngokutsha;

- * Zonke izikweletu zombane okanye ugesi zinqunyayiswe;

- * Inqubo yokwakha ngokutsha mayidluliselwe yintlanganiso yabantu ngokubanzi;

- * iEskom angagqubeki nayo neyiphina inqubo yabucala kunye nenqubo yokwenza imida yabucala.

30 June

Imayini yegolide i Anglo Western Holding ibethwe kanobomi liliza loqanqalazo (mass action) njengokuba abasebenzi mgodini abayi 13000 besenza umngcelele oya kwi ofisi zabaqeshi ukuyo kudlulisa uxwebhu lemibango. Imibango ibichaphazela imivuzo epehuzulu kunye neemeko zokusebenza.